



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentissimæ Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Additio, & Confirmatio.

urn:nbn:de:hbz:466:1-45581

devotionem suspectam haberi posse alicujus superstitionis; verum an superstitionis argui quoque possint illi, qui portant penes se Numismata, vel Nomina JESU, aut Imagines sanctissimæ Virginis, vel scriptas quasdam orationes? Quis

diffitebitur, superstitiosum id esse, imaginari sibi superstitiones in omnibus hisce rebus, quæ non æstimantur, nisi in quantum repræsentant nobis JESUM Christum & sanctissimam ipsius Matrem.

ADDITIO & CONFIRMATIO.

JAm scripseram Consulationem hanc totam integram, quando exhibuere se mihi tres maximæ auctoritatis testes, qui deposuere tam efficaciter in favorem Conceptionis Immaculatæ Virginis Sanctissimæ, ut quamvis suspecti fuerint opinionis contrariæ, eodquod in alijs locis locuti sint aliter, nihilominus non videatur, quod locuti sint tam clarè, tamque efficaciter contra, quàm hic fecerint pro defensione hujus veritatis.

Tres hi testes sunt S. Bernardus, S. Bonaventura, & S. Thomas; ausculta illos successivè.

Sanctus Bernardus in sermone quarto super Salve Regina, exerta reliquit nobis proptia hæc verba: *Innocens fuisti ab originalibus & ab actualibus peccatis. Nemo ita præter te.* Et paulò post: *Cùm de peccatis agitur, nullam de Beatâ Mariâ volumus fieri mentionem. Ex eo enim majorem credimus ei collatam virtutem, ad vincendum omni ex parte peccatum, quæ concipere &*

parere meruit eum, qui nullum habuit peccatum. Ex omni, inquit, parte, hoc est, ex parte originalis, & ex parte actualis peccati. Eâ ergo solâ excepta, ceteri omnes quid dicere possunt, nisi quòd ait Apostolus Joannes: Si dixerimus, quòd peccatum non habemus, ipsi nos seducimus, & veritas in nobis non est. Et mox subjungitur. *Ego quoque pia fide opinor, in utero Matris tuæ, ab originalibus te absolutam peccatis.* An clarius loqui quis posset, vel efficacius in favorem Conceptionis Immaculatæ Virginis Sanctissimæ;

Iterum idem S. Bernardus sermone decimo tertio inter quindecim, quos fecit de Cœnâ Domini, sic ait: *Non est in filiis hominum magnus vel parvus tantâ præditus Sanctitate, nec tantâ Religionis privilegiatus honore, qui non in peccatis fuerit conceptus, præter Matrem immaculatam peccatum non facientis, sed peccata mundi tollentis.* An dubitari posthæc possit de mente S. Bernardi circa hoc argumentum? Sera.

Seraphicus Pater & Doct̄or S. Bonaventura, qui secundus testis est, dicit aliquid adhuc efficacius; nempe in secundo sermone de B. Virgine MARIA, qui habetur tomo 3. paginâ 355. impresso Moguntia Anno 1609. ubi sic loquitur: *Dico primò, quòd Domina nostra plena fuerit gratiâ praveniente in Sanctificatione suâ, id est, gratiâ preservativâ contra immunditias culpa originalis, quàm contraxisset ex corruptione natura, nisi preservata fuisset ex gratiâ speciali, quâ fuit pravenita: Siquidem credendum est, quòd novo quodam Sanctificationis genere, Spiritus Sanctus preservaverit ipsam in instanti Conceptionis suæ à peccato originali, non quòd jam fuerit in illâ, sed quòd intrasset in illam, nisi gratia singularis ipsam protexisset.* Testimonium hoc tam manifestum est, tamque clarum, ut ij, qui resistere non potuerunt ipsius robori, coacti fuerint id declaratione, vertendo in dubium, an verè sit S. Bonaventuræ. Verùm an recusare liceat testem tantæ auctoritatis ob leves conjecturas.

Tandem tertius, qui est S. Thomas, magnam Theologiæ oraculum; explicat se desuper verbis tam certis, tamque formalibus, ut nullum de sententiâ suâ dubitandi relinquat locum; Et hoc in lectione sextâ super caput tertium Epistolæ ad Galatas versùs medium, exponens illa Scripturæ verba:

Non est, qui faciat bonum; ubi dicit. Inveni virum, scilicet JESUM Christum, qui est absque ullo peccato, sed non inveni aliquam feminam, qua omninò fuerit exempta à peccato tum originali, tum veniali, excepta Sanctissima Virgine MARIA, dignâ omni laude. Hæc verba, quæ suppressa sunt in pluribus editionibus S. Thomæ, inveniuntur in illis, quæ prodierunt in lucem Parisijs in annis 1529. & 1541. *In ore trium testium stet omne Verbum.*

Noster Viator, qui loquebatur procul dubio ex abundantia cordis sui, succenderat in omnibus è Societate novam devotionem, & Zelum ardentiorum, quàm habuerint unquam, ad honorandum pro viribus Conceptionem Immaculatam Sanctissimæ Virginis: præcipuè videbatur è vultu Artemisiam, ipsam totam exinde fuisse succensam. Volebamus valedicere illi ad finem Consultationis nostræ, sed hoc erat tollere velle cibos famelicos, quandò maxima est ipsius appetentia: Ipsa invitavit nos tam instanter, tamque benevolè ad commorandum diebus nonnullis in domo suâ, ut abnèere id ipsi non potuerimus: desiderabat namque efflictim & ardentissimè auscultare adhuc aliqua colloquia de Excellentijs Sanctissimæ Virginis; & desiderio suo defraudata non fuit, uti

videbis.

T 2

CON.